

## SKIPULAGSSKRÁ

### fyrir Minningarsjóð dr. Halldórs Pálssonar búnaðarmálastjóra til stuðnings framförum í sauðfjárrækt og nýtingu sauðfjárafurða.

Sjóðurinn er stofnaður hinn 18. ágúst 1987 í lok ráðstefnu til minningar um dr. Halldór Pálsson er haldin var þann dag í Reykjavík af um 50 innlendum og erlendum mönnum sem starfa á vísindasviðum er tengjast sauðfjárrækt svo og forystumönnum búnaðar- og afurða-söllumála á Íslandi.

#### 1. gr.

Sjóðurinn heitir Minningarsjóður dr. Halldór Pálsson búnaðarmálastjóra til stuðnings framförum í sauðfjárrækt og nýtingu sauðfjárafurða. Heimili og varnarþing sjóðsins er í Reykjavík.

#### 2. gr.

Stofnfé sjóðsins eru framlög einstakra bænda og annarra áhugamanna um sauðfjárrækt, búnaðarféлага, sauðfjárræktarféлага og félagasamtaka og stofnana sem beint eða óbeint vinna að fjárrækt eða sölu sauðfjárafurða, samtals kr. 3 000 000, svo og kr. 1 000 000 frá frú Sigríði Klemenzdóttur ekkju dr. Halldórs Pálssonar. Alls nemur stofnfé sjóðsins kr. 4 000 000 sem svarar um það bil 400 meðal dilksverðum haustið 1987. Stofnféð má ekki skerða. Það skal ávaxta á þann hátt sem stjórn sjóðsins telur tryggilegast hverju sinni.

#### 3. gr.

Eigi skal veita á ári hverju úr sjóðnum hærri upphæð en sem nemur árlegum raunvöxtum af honum að viðbættum hálfum árlegum framlögum.

Tilgangur sjóðsins er að veita styrki til eftirfarandi:

- a) Til námsstyrkja.
- b) Til rannsókna og vöruþróunar.
- c) Til verðlauna fyrir framúrskarandi árangur á sviði ræktunar, vöruþróunar og markaðs-leitar.

#### 4. gr.

Í samræmi við tilgang sjóðsins skulu veittir styrkir, verðlaun eða viðurkenningar til aðila sem vinna að eftirtöldum verkefnum:

- a) Að bæta gæði sauðfjárafurða og lækka framleiðslukostnað þeirra.
- b) Að vinna að vöruþróun sauðfjárafurða og kynna notagildi þeirra.
- c) Að leita markaða fyrir þær vörur innanlands og utan.

#### 5. gr.

Stjórn sjóðsins skipa fimm menn til fjögurra ára í senn tilnefndir af eftirtöldum aðilum:

Landssamtökum sauðfjárbænda, Landssamtökum sláturleyfishafa, Rannsóknastofnun landbúnaðarins, Stéttarsambandi bænda og Búnaðarfélagi Íslands og skal fulltrúi þess gegna formannsstarfi stjórnarinnar.

#### 6. gr.

Sjóðstjórn semur reikninga sjóðsins að loknu hverju almanaksári, lætur löggiltan endurskoðanda yfirfara þá og sendir Ríkisendurskoðun fyrir 30. júní næsta ár. Formaður stjórnar sjóðsins hefur með höndum vörslu hans.

## 7. gr.

Nú verður einhver eða einhverjar þeirra félagasamtaka og stofnana sem tilnefna fulltrúa í sjóðstjórn lagðar niður eða taka verulegum breytingum svo sem við skiptingu eða sameiningu og gerir þá fráfarandi fulltrúi viðkomandi stofnunar tillögu til sjóðstjórnar um tilnefningaraðila í sæti sitt. Sjóðstjórn sendir þá dómsmálaráðherra tillöguna ásamt umsögn sinni en hann ákveður þá að fenginni umsögn landbúnaðarráðherra nýjan tilnefningaraðila og breytir skipulagsskrá þessari í samræmi við það.

Nú breytast þjóðfélagshættir og aðstæður svo mjög að markmiðum sjóðsins verður ekki náð samkvæmt skipulagsskrá þessari og gerir þá sjóðstjórn ef hennar nýtur við, tillögu til dómsmálaráðherra um breytingu eða niðurfellingu á skipulagsskránni að fenginni umsögn landbúnaðarráðherra. Við slíka breytingu eða niðurfellingu skal litið til þeirra viðhorfa er birtust í lífsstarfi og ritverkum dr. Halldórs Pálssonar, sem stofnendur sjóðs þessa vilja áréttta, að breyttu breytanda.

## 8. gr.

Leita skal staðfestingar dómsmálaráðherra á skipulagsskrá þessari.

Ólafur R. Dýrmondsson  
f.h. Búnaðarfélags Íslands

Einar E. Gíslason  
f.h. Landssamtaka sauðfjárbænda

Ólafur Sverrisson  
f.h. Landssamtaka sláturleyfishafa

Sigurgeir Þorgeirsson  
f.h. Rannsóknastofnunar landbúnaðarins

Böðvar Pálsson  
f.h. Stéttarsambands bænda

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

*Dóms- og kirkjumálaráðuneytið, 29. janúar 1991.*

F. h. r.  
**Þorsteinn Geirsson.**

*Fanneý Óskarsdóttir.*

## REGLUGERÐ

**um tollfrjálsan farangur ferðamanna og farmanna við komu frá útlöndum, einkasölugjald o.fl.**

## 1. gr.

### **Ferðabúnaður og annar farangur.**

Ferðamönnum búsettum hér á landi, er heimilt án greiðslu aðflutningsgjalda að hafa með sér við komu til landsins fatnað og ferðabúnað sem þeir hafa haft með sér héðan til útlanda og auk þess varning fenginn erlendis í ferðinni, um borð í flutningsfari eða í tollfrjálsri verslun hér á landi – auk varnings sem talinn er í 2. gr. – fyrir allt að 24 000 kr. að smásöluverði á innkaupsstað. Andvirði hvers hlutar má þó ekki nema hærri fjárhæð en 12 000 kr., og andvirði matvæla (þ.m.t. sælgæti) má ekki nema hærri fjárhæð en 4 000 kr. Magn matvæla má að